

## ԳՈՎԱԶԴԴԱՅԻՆ ՎԻՃԱԿԱԽԱՂԻ ՊԱՅՄԱՆՆԵՐ

### 1. Ընդհանուր դրույթներ

1.1. Սույնով սահմանվում են «Ֆասթ Բանկ» ՓԲԸ-ի (այսուհետ՝ Բանկ) կողմից կազմակերպվող գովազդային վիճակախաղ (այսուհետ՝ Խաղարկություն) մասնակցության և անցկացման պայմանները:

1.2. Խաղարկությունն անցկացվում է Բանկի պաշտոնական Instagram սոցիալական հարթակում:

1.3. Խաղարկության կազմակերպիչն է «Ֆասթ Բանկ» ՓԲԸ-ն:  
Հասցե՝ ք. Երևան, Նորք-Մարաշ, Գարեգին Հովսեփյան 32/6:

1.4. Խաղարկության նպատակը Բանկի ապրանքանիշի ճանաչելիության բարձրացումն է, ինչպես նաև Բանկի ծառայությունների հանրայնացումն ու գովազդումը սոցիալական մեդիայի հարթակներում:

1.5. Խաղարկությունը անցկացվում է 2026 թվականի մարտի 8-ից մինչև ապրիլի 7-ը ներառյալ:

1.6. Խաղարկությանը մասնակցելով՝ մասնակիցը հաստատում է, որ ամբողջությամբ ծանոթացել է սույն պայմաններին և ընդունում է դրանք առանց վերապահումների:

### 2. Մասնակցության իրավունք

2.1. Խաղարկությանը կարող են մասնակցել միայն 18 տարին լրացած ֆիզիկական անձինք:

2.2. Խաղարկությանը կարող են մասնակցել միայն իրական և անձնական Instagram էջեր ունեցող օգտատերերը:

2.3. Մասնակցությունը գենդերային սահմանափակումներ չի պարունակում:

2.4. Բանկը իրավունք ունի չեղարկել մասնակցությունը, եթե հայտնաբերվի, որ՝

- օգտագործվում է կեղծ կամ ոչ իրական Instagram էջ,
- խախտվել են խաղարկության պայմանները,
- մասնակցությունն իրականացվել է տեխնիկական կամ այլ մանիպուլյացիաների միջոցով:

2.1. Խաղարկությանը չեն կարող մասնակցել Բանկի աշխատակիցները:

### 3. Խաղարկության մեխանիզմ

3.1. Խաղարկությունը իրականացվում է Fast Bank-ի Instagram էջում հրապարակված համապատասխան գրառման միջոցով:

3.2. Մասնակցության համար անհրաժեշտ է՝

- հետևել Fast Bank-ի Instagram էջին,
- հավանել խաղարկության հրապարակումը,
- մեկնաբանությունում նշել մեկ Instagram ընկերոջ:

3.3. Մասնակիցները կարող են թողնել անսահմանափակ թվով մեկնաբանություններ, սակայն յուրաքանչյուր մեկնաբանությունում պետք է նշվի առանձին օգտատեր:

3.4. Մեկ մասնակից կարող է շահել միայն մեկ մրցանակ:

3.5. Խաղարկության ընթացքում ներգրավված ինֆլուենսերները կարող են իրենց Instagram էջերում տարածել խաղարկության վերաբերյալ հրապարակումներ կամ story-ներ:

3.6. Բանկի Instagram-յան էջում խաղարկությունն անցկացվելու է ներքոնշյալ Influencer-ների մասնակցությամբ.

- Ներսես Ավետիսյան
- Եվա Ղարիբյան

- Հայկ Մկրտչյան
- Անի Խաչիկյան
- Մարիամ Ալեքսանյան
- Ջուլիա Ղարաբաղյան

#### 4. Մրցանակներ

Խաղարկության շրջանակում նախատեսված են հետևյալ մրցանակները՝

- 1 հատ iPhone 17 Pro Max (256GB, eSIM)
- 1 հատ AirPods Max
- 1 հատ Dyson Styler
- 1 տարվա մարզասրահի անդամակցություն
- 1 հատ Visa Infinite պլաստիկ քարտ
  - 500,000 ՀՀ դրամ դրական հաշվեկշռով
  - առանց տարեկան սպասարկման վճարի
- 1 հատ Mastercard World պլաստիկ քարտ
  - 300,000 ՀՀ դրամ դրական հաշվեկշռով
  - առանց տարեկան սպասարկման վճարի
 Բանկի կողմից տրամադրվող քարտերը տրամադրվում են առանց սպասարկման վճարի 5 տարի ժամկետով:

#### 5. Հաղթողների ընտրություն

5.1. Խաղարկության արդյունքները կամփոփվեն 2026 թվականի ապրիլի 17-ին ժամը 16:00-ին Fast Bank-ի Instagram էջում իրականացվող Ուղիղ (Live) հեռարձակման ընթացքում:

5.2. Հաղթողները ընտրվում են պատահականության սկզբունքով, համապատասխան ծրագրային գործիքի միջոցով:

5.3. Հաղթողների ընտրության գործընթացին կարող է ներկա գտնվել Բանկի ներքին աուդիտի ներկայացուցիչը որպես դիտորդ:

5.4. Հաղթողների տվյալները կհրապարակվեն Fast Bank-ի Instagram էջի story բաժնում:

5.5 Բանկը 48 ժամվա ընթացքում առնվազն 3 անգամ կփորձի կապ հաստատել հաղթող մասնակցի հետ հաղթող ինստագրամյան էջին գրելով: Այն դեպքում, երբ հաճախորդի հետ սահմանված ժամկետում չի ստացվում կապ հաստատել կամ հաղթող հաճախորդը 15 օրացույցային օրվա ընթացքում չի մոտենում նվերը՝ ստանալու համար, ապա շահումը չեղարկվում է:

#### 6. Ստուգումներ և իրավունքներ

6.1. Բանկը իրավունք ունի հաղթողի որոշման փուլում իրականացնել տեխնիկական ստուգումներ, այդ թվում՝

- ստուգել Instagram հաշվի իրական լինելը,
- ստուգել խաղարկության պայմանների պահպանումը,
- պահանջել մասնակցության իրականությունը հիմնավորող լրացուցիչ տեղեկատվություն:

6.2. Եթե հաղթողը չի համապատասխանում խաղարկության պայմաններին կամ չի կարողանում հաստատել իր մասնակցության իրականությունը, Բանկը իրավունք ունի չեղարկել տվյալ մասնակցի հաղթանակը և ընտրել նոր հաղթող:

#### 7. Լուսանկարահանման և հրապարակման համաձայնություն

7.1. Խաղարկությանը մասնակցելով՝ մասնակիցը տալիս է իր նախնական համաձայնությունը՝

- լուսանկարահանման,
- տեսանկարահանման,
- ինչպես նաև համապատասխան նյութերի հրապարակման համար:

7.2. Նշված նյութերը կարող են օգտագործվել Բանկի կողմից գովազդային, մարքեթինգային և տեղեկատվական նպատակներով՝ Բանկի սոցիալական մեդիայի հարթակներում կամ այլ հաղորդակցման միջոցներում:

## **8. Այլ դրույթներ**

8.1. Բանկը իրավունք ունի ցանկացած ժամանակ փոփոխել խաղարկության պայմանները կամ դադարեցնել խաղարկությունը՝ համապատասխան հայտարարություն հրապարակելով Բանկի պաշտոնական հարթակներում:

8.2. Բանկը պատասխանատվություն չի կրում սոցիալական մեդիայի տեխնիկական խափանումների կամ երրորդ կողմերի ծառայությունների աշխատանքի հետևանքով առաջացած խնդիրների համար:

8.3. Սույն պայմանները հանդիսանում են հրապարակային առաջարկ (Public Offer) և գործում են հրապարակման պահից: